

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK
Broj: 02-047/15
Vareš, 06.01. 2015. godine



Na osnovu člana 98. stav 2. Zakona o organizaciji organa uprave u Federaciji Bosne i Hercegovine ("Službene novine FBiH", broj: 35/05), člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06) i člana 38. stav 2. Statuta Općine Vareš – prečišćeni tekst, broj: 01-162/12 od 11. 09. 2012. godine,
d o n o s i m

PROGRAM RADA ***Općinskog načelnika za 2015. godinu***

adresa: Zvijezda 34, 71330 Vareš
identifikacijski broj: 4218285300002
depozitni račun: 3380002210017420

tel.: 00387 32 848 100; **fax:** 848
150
web: www.vares.info
e-mail: vares@bih.net.ba



I. UVOD

Program rada Općinskog načelnika za 2015. godinu zasnovan je na procjenama dobivenim analizom trenutnog stanja u organu uprave, ključnim opredjeljenjima utvrđenim u Programu rada Općinskog načelnika u okviru četverogodišnjeg mandata (2012-2016) i usvojenom Budžetu Općine Vareš za 2015. godinu, Zakonu o principima lokalne samouprave u Federaciji Bosne i Hercegovine i Statutu Općine Vareš. U kontekstu navedenog Općinski načelnik u okviru svojih nadležnosti :

predstavlja i zastupa jedinicu lokalne samouprave;

donosi akte iz svoje nadležnosti;

izrađuje i vijeću na usvajanje podnosi nacrt i prijedlog budžeta, ekonomske planove, razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem, uključujući zoniranje i korištenje javnog zemljišta;

predlaže odluke i druge opće akte vijeću;

provodi politiku jedinice lokalne samouprave u skladu sa odlukama vijeća, izvršava budžet jedinice lokalne samouprave i osigurava primjenu odluka i drugih akata vijeća;

izvršava zakone i druge propise čije je izvršenje povjereno jedinici lokalne samouprave;

utvrđuje organizaciju službi za upravu i drugih službi jedinice lokalne samouprave;

donosi pravilnik o unutrašnjoj organizaciji službi jedinice lokalne samouprave;

realizira saradnju jedinice lokalne samouprave s drugim općinama, gradovima, međunarodnim i drugim organizacijama u skladu sa odlukama i zaključcima vijeća i njegovih radnih tijela;

podnosi izvještaj vijeću o ostvarivanju politike jedinice lokalne samouprave i svojim aktivnostima.

Načelnik odgovara za ustavnost i zakonitost akata koje donosi, odnosno predlaže vijeću

U skladu sa Statuom Općine Vareš, Općinski načelnik kao nosilac izvršnih poslova iz samoupravnog djelokruga Općine Vareš, u okviru svoje nadležnosti:

predstavlja i zastupa Općinu Vareš;

donosi akte iz svoje nadležnosti;

odgovara za izvršenje općinskog budžeta;

osigurava izradu i Općinskom vijeću podnosi na usvajanje ekonomske i razvojne planove, investicione programe, prostorne i urbanističke planove i ostale planske i regulatorne dokumente koji se odnose na korištenje i upravljanje zemljištem, uključujući zoniranje i korištenje javnog zemljišta;

Općinskom vijeću predlaže odluke i druge opće akte;

provodi utvrđenu politiku u skladu sa odlukama Općinskog vijeća;

osigurava izvršenje odluka i drugih akata Općinskog vijeća i odgovara za njihovo provođenje;

izvršava zakone i druge propise čije je izvršavanje povjereno Općini Vareš;

predlaže Općinskom vijeću organizaciju općinskih službi za upravu i donosi Pravilnik o unutrašnjoj organizaciji Jedinственog općinskog organa uprave Općine Vareš i Stručne službe Općinskog vijeća i Općinskog načelnika na način kojim se obezbjeđuje racionalno, efikasno i efektivno vršenje poslova i odgovara za njihov rad;

realizuje saradnju Općine Vareš sa drugim općinama, gradovima, međunarodnim i drugim organizacijama, u skladu sa odlukama i zaključcima Općinskog vijeća i njegovih radnih tijela;

Općinskom vijeću podnosi izvještaj o ostvarivanju općinske politike i svojim aktivnostima najmanje jedanput godišnje;

obavlja nadzor nad zakonitošću rada preduzeća i javnih ustanova kojima je osnivač Općina Vareš;

sklapa ugovore i druge pravne poslove u skladu sa zakonom, ovim statutom i odlukama Općinskog vijeća;

odlučuje o pitanjima iz radnog odnosa državnih službenika i namještenika u skladu sa zakonom;

brine se o urednom i pravilnom korištenju imovine i sredstava rada;

donosi akte o izboru i imenovanju organa i radnih tijela iz svoje nadležnosti u skladu sa Zakonom i drugim propisima;

obavlja i druge poslove utvrđene zakonom, drugim propisima i ovim statutom.

Program rada sadrži zadatke Općinskog načelnika i nadležnih općinskih službi za upravu koji proizilaze iz njihove nadležnosti utvrđene ustavom, zakonom i Statutom Općine Vareš (izvršavanje zakona, izvršavanje odluka i drugih propisa Općinskog vijeća Vareš, provođenje utvrđene općinske politike, upravno rješavanje, obavljanje nadzora i praćenje stanja po oblastima za koje su osnovane općinske službe za upravu, davanje inicijativa za rješavanje pitanja iz samoupravnog djelokruga Općine, pripremanje nacrti i prijedloga općinskih propisa i nadzor nad radom Javnih preduzeća i ustanova čiji je osnivač Općina Vareš i dr.), kao i zadatke utvrđene Programom rada Općinskog vijeća Vareš za 2015. godinu uz definisane nosioce izrade, razloge za donošenje i rokove izvršenja.

II. UNAPREĐENJE FUNKCIONISANJA OPĆINSKE UPRAVE

U cilju unapređenja funkcionisanja općinske uprave, Općinski načelnik će u toku 2015. godine:

provesti aktivnosti na izradi novog dokumenta „Strategija razvoja općine Vareš“ za period 2016-2020. godina;

raditi na uspostavi efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata;

kontinuirano raditi na poboljšanju organizacije i funkcionisanja općinske uprave u skladu sa evropskim standardima;

biti nastavljene aktivnosti vezane za dosljedno provođenje i poštivanje procedura utemeljenih međunarodnim standardom za upravljanje kvalitetom ISO 9001:2008;

raditi na saniranju dugovanja Općine Vareš po osnovu Rješenja Porezne uprave, a po osnovu neuplaćenih poreza i doprinosa na platu i iz plate;

kvartalno Općinskom vijeću Vareš podnositi na razmatranje Izvještaj o ostvarenju Budžeta za 2015. godinu;

stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja;

kontinuirano i pravovremeno izvršavati budžetske obaveze;

raditi na poboljšanju transparentnosti i protoku informacija unutar administracije i prema građanima i poslovnim subjektima;

raditi na stručnom osposobljavanju i usavršavanju uposlenika;

provođenje Pravilnika o ocjenjivanju državnih službenika i namještenika;

omogućiti građanima i pravnim licima da što efikasnije i jednostavnije ostvaruju svoja prava i izvršavaju svoje obaveze;

redovno pratiti dinamiku ostvarivanja prava građana u stanju socijalne potrebe u oblastima socijalne i zdravstvene zaštite;

raditi na realizaciji subvencioniranja troškova komunalnih usluga za socijalno ugrožene kategorije stanovništva;

kontinuirano sarađivati sa svim javnim ustanovama i preduzećima sa područja općine Vareš s ciljem rješavanja zajedničkih problema;

provesti aktivnosti na unapređenju socijalne zaštite Općine Vareš;

razvijati partnerstvo i saradnju sa nevladinim sektorom u realizaciji zajedničkih projekata;

nastaviti saradnju sa međunarodnim i nevladinim organizacijama;

djelovati na unapređenju partnerskih odnosa sa komunom Flen iz Švedske i nastojati uspostaviti partnerske odnose sa općinama i gradovima iz regije i zemalja Evropske unije;

provesti digitalizacija katastarskih planova za preostalih 13 katastarskih općina;

osigurati izvršavanje i drugih poslova u skladu sa zakonom.

III. RAZVOJ PODUZETNIŠTVA I ZAPOSŁJAVANJE

U narednom periodu Općinski načelnik će:

kontinuirano raditi na iznalaženju potencijalnih investitora koji su spremni na ulaganja na našem području i na otvaranje novih preduzeća i novih radnih mjesta, pri čemu maksimalno koristiti privrednike naše općine i njihove poslovne partnere;

u saradnji sa Regionalnom razvojnom agencijom "Serda" Sarajevo nastaviti aktivnosti u cilju formiranja industrijskih zona;

omogućiti što bržu i efikasniju uslugu investitorima zainteresovanim za ulaganja u eksploataciju ruda željeza, kao i u oblastima metalne, drvne, prehrambene, tekstilne industrije i turizma;

raditi na kadrovskom osposobljavanju i jačanju nadležne općinske službe kako bi ista bila aktivan servis građanima i privrednim subjektima u pripremi programa za pokretanje proizvodnje;

podsticati zapošljavanje ljudi na vlastitim imanjima;

podsticati poljoprivrednu proizvodnju i uzgoj stoke na individualnim gazdinstvima, te iznalaziti mogućnosti za plasman tih proizvoda;

nastaviti praćenje treće faze projekta "Heifer" u saradnji sa američkom nevladinom organizacijom "Heifer" i nevladinom organizacijom "Žena za ženu" iz Sarajeva;

nastaviti aktivnosti oko registracije seoskih gazdinstava;

realizacija projekta sa njemačkom nevladinom organizacijom „Help“ iz oblasti poljoprivrede;

realizacija projekata iz oblasti poljoprivrede sa Međunarodnim fondom za razvoj poljoprivrede „IFAD“;

realizacija projekata zasada jagodičastog voća sa preduzećem „Pronatura“ iz Zenice;

raditi na provođenju Zakona o javno-privatnom partnerstvu ZE-DO kantona na području općine Vareš;

raditi na prikupljanju informacija i neophodne dokumentacije za apliciranje projekata na određene javne pozive.

IV .KAPITALNI PROJEKTI I FINANSIJSKA ULAGANJA

Kao prioritet u oblasti kapitalnih ulaganja u 2014. godini će se:

započeti sa realizacijom projekta „Centar za zdravo starenje“ Vareš Majdan (Starački dom);

izraditi cjeloviti projekat javne rasvjete za općinu Vareš uz participaciju građana kroz plaćanje utroška električne energije za javnu rasvjetu;

završiti projekat „Poljoprivredno-resursnog centra“ u društvenom domu Pajtov Han.

U skladu sa razvojnim projektima iz Strategije razvoja općine Vareš za period od 2006. do 2015. godine, planiranim budžetskim sredstvima i sredstvima prikupljenim od strane donatora, te u saradnji sa Vladom Zeničko-dobojskog kantona, nadležnim ministarstvima, direkcijama, javnim preduzećima i građanima, u toku 2015. godine će se:

nastaviti aktivnosti na obezbjeđenju finansijskih sredstava i nastavku izvođenja radova na rekonstrukciji regionalnog puta R 444 i R 444a;

voditi aktivnosti na realizaciji drugih kapitalnih projekata za koje se uspiju obezbijediti finansijska sredstva;

nastaviti asfaltiranje kategorisanih i nekategorisanih lokalnih puteva na području općine Vareš prema prioritetima definisanim u Strategiji obnove, rekonstrukcije, asfaltiranja lokalnih cesta i puteva;

iznaći investitora za treću fazu (završetak rekonstrukcije) Radničkog doma;

učestvovanje u realizaciji započetih projekata koji su u fazi realizacije ili tek trebaju početi sa realizacijom a za što su odobrena sredstva u 2014. godini: sanacija kolektora Bukov Potok, sanacija škole u MZ Ravne, rekonstrukcija dijela lokalnog puta Striježevo-Kokošćići, rekonstrukciji dijela regionalnog puta R-444a Vareš-Bobovac- Kraljeva Sutjeska, sanacija klizišta „Kapija“;

u saradnji sa vareškim školama raditi na iznalaženju investitora i sredstava za rekonstrukciju i sanaciju školskih objekata;

nastaviti aktivnosti na izgradnji mini centrala na vodotocima općine Vareš uz poštivanje svih ekoloških standarda i propisa koji regulišu pitanja iz ove oblasti;

izraditi projektna dokumentacija za vodosnadbijevanje u mjesnoj zajednici Strica-Zaruđe i mjesnoj zajednici Pogar te uraditi projektnu dokumentaciju za kanalizacionu mrežu mjesne zajednice Strica-Zaruđe;

u saradnji sa mjesnim zajednicama raditi na planskom unapređivanju infrastrukture.

V. KOMUNALNI RED I ZAŠTITA OKOLIŠA

U ovoj oblasti tokom 2015. godine će se:

vršiti uklanjanje ruševnih objekata;

raditi na realizaciji programa finansiranja komunalnih djelatnosti za 2014. godinu kao i vršenje nadzora na izvedenim radovima;

pratiti aktivnosti na ljetnom održavanju puteva kao i vršenje nadzora na izvedenim radovima;

u koordinaciji sa nadležnim inspeksijskim organima provoditi mjere zaštite izvorišta pitke vode;

izraditi akcioni plan očuvanja i zaštite spomenika prirode;

pružiti maksimalna podrška sektoru civilnog društva u provođenju projekata orjentisanih ka zaštiti i unapređenju okoliša;

izraditi akcioni plan uređenja javnih površina;

u saradnji sa Javnim komunalnim preduzećem Vareš, organima mjesnih zajednica i ekološkim udruženjima raditi na unapređenju odvoza komunalnog otpada;

raditi na uklanjanju divljih deponija oko puteva i vodotoka;

nastaviti saniranje deponija u mjesnim zajednicama;

u saradnji sa nadležnim ministarstvima pokrenuti postupak sanacije i rekultivacije devastiranih rudničkih površina i industrijskih zona;

redovno pratiti vodostaj i stanje brane na flotacijskom jezeru Veovača bivšeg "Energoinvestovog" rudnika;

izrada investiciono-tehničke i okolinske dokumentacije za projekat postepenog zatvaranja deponije Kota;

u saradnji sa Javnim komunalnim preduzećem Vareš, organima mjesnih zajednica, ekološkim udruženjima, obrazovnim ustanovama i nadležnim ministarstvima nastaviti aktivnosti na razvijanju ekološke svijesti (putem razvojne agencije SIDA-Sweden).

VI. ZAŠTITA I SPAŠAVANJE LJUDI I MATERIJALNIH DOBARA OD PRIRODNIH I DRUGIH NESREĆA

U 2015. godini kandidirati Projekte za deminiranje i to:

1. Ravne 1 – A
2. Ravne 1
3. Hajde 1
4. Ravne – Kosići
5. Hajde 2
6. Ravne 2

Svi navedeni Projekti raditi će se preko Regionalnog ureda za deminiranje Sarajevo („BH MAC-A“),

plansko obilježavanje minskih polja;

izrada projektne dokumentacije;

deminiranje predloženih projekata;

revizija cjelokupne površine zagađenim minama na području naše općine.

Pored redovnih aktivnosti koje se provode u izvršavanju preuzetih obveza Služba civilne zaštite će obavljati:

gašenje šumskih požara;

gašenje požara nastalih uslijed nedostataka na dimnjacima;

intervencije u stambenim i pomoćnim objektima;

uklanjanje urušenih stambenih objekata, stabala i drugo;

ostalo (požari na gradskoj deponiji smeća, požari druge vrste te intervencije uzrokovane prirodnim nepogodama i slično);

redovno provođenje Plana stručnog i teoretskog osposobljavanja uposlenika (vatrogasaca) Profesionalne vatrogasne jedinice Vareš, kao i 24-satno dežurstvo;

održavanje ispravnosti vozila i cisterni za gašenje požara, ostalih MTS, kao i obavljanje ostalih uslužnih djelatnosti za potrebe Općine i građana.

Služba civilne zaštite će izvršiti i Zakonom propisane obveze Zakonom zaštite od požara („Službene novine ZE-DO kantona“ broj: 05/11), kao i ostale redovne djelatnosti koje će se izvršavati u nastupajućoj godini, i to:

organizacija i funkcioniranje zaštite od požara i vatrogastva za područje Općine, Kantona i Federacije BiH;

planiranje i provođenje Mjera zaštite od požara i gašenje požara – intervencije gašenja požara;

stručno osposobljavanje i usavršavanje uposlenih osoba – vatrogasaca (obveza proističe za svaku godinu);

financiranje i druga primanja od značaja za organizaciju i funkcioniranje zaštite od požara i vatrogastva na području Općine, Kantona i Federacije.

VII. OBJEKTI SPORTA, REKREACIJE I TURIZMA

U toku 2015. godine će se:

inicirati i provesti aktivnosti oko rekonstrukcije i adaptacije školskih objekata (Osnovna škola Vareš i Osnovna škola Vareš Majdan sa pripadajućim područnim školama i MSŠ Nordbat2 Vareš);

realizacija projekta izgradnja višenamjenskog sportskog igrališta u Budoželju;

nastojati kroz saradnju sa registriranim sportskim klubovima i udruženjima čiji su programski ciljevi afirmacija sporta, fizičke kulture kao i takmičarskih, rekreativnih i drugih aktivnosti doprinosti radu sportskih klubova, pružati podršku u provođenju svih aktivnosti i afirmirati sport i rekreativni sport;

formirati općinski sportski savez;

privesti kraju aktivnosti na kreiranju nove turističke web stranice općine Vareš;

u partnerstvu sa udruženjima lovaca, ribolovaca i planinara nastaviti unapređivati uslove za bavljenje lovnim, ribolovnim i rekreativnim turizmom;

pripremiti projektni prijedlog za rekonstrukciju sportskog terena i pratećih objekata Nogometnog kluba "Vareš";

staviti u funkciju suvenirnicu na kraljevskom gradu Bobovac;

kontinuirano raditi na afirmaciji, promociji i stavljanju u puni kapacitet Kraljevskog grada Bobovac u sklopu turističke ponude Općine Vareš;

u saradnji sa Klubom ekstremnih sportova "Perun-Va" Vareš nastaviti sa realizacijom projekta "Paraglajding kuća" na lokalitetu Greda – Perun;

raditi na instaliranju zimskih turističkih destinacija na području općine Vareš;

nastaviti unapređivanje turističke signalizacije na cjelokupnom području općine Vareš.

VIII. SPOMEN-OBILJEŽJA

U vezi sa spomen-obilježjima u 2015. godini će se:

nastaviti aktivnosti na praćenju stanja nacionalnih spomenika i spomenika prirode;

nastaviti afirmaciju kulturno-historijskog naslijeđa općine Vareš;

raditi na iznalaženju finansijskih sredstava za uređenje grobalja i mezaristana.

IX. JAVNE MANIFESTACIJE

U toku 2015. godine će se:

u saradnji sa Općinskim vijećem Vareš organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine i općinu Vareš;

raditi na unapređenju „Ljetnog festivala“ u svakom segmentu a posebno u obezbjeđivanju sredstava iz drugih izvora (sponzori, putem projekata itd);

organizovati obilježavanje Dana općine Vareš;

u skladu sa finansijskim mogućnostima pomagati organizovanje i održavanje kulturnih, sportskih, zabavnih i drugih javnih manifestacija;

kroz apliciranje domaćim i međunarodnim organizacijama obezbjediti odgovarajuću podršku u organizaciji festivala klasične glazbe;

organizovati Sijam domaćih proizvoda.

X. MJESNA SAMOUPRAVA

U toku 2015. godine će se:

organizovati periodični sastanci sa predsjednicima mjesnih zajednica s ciljem uspostavljanja kontinuirane saradnje i rješavanja prioriternih problema u mjesnim zajednicama kao i praćenje provođenja planiranih aktivnosti;

u saradnji sa Radio Bobovac organizovati radio emisija u kojoj će gosti biti predstavnici mjesnih zajednica (predstavljanje mjesnih zajednica);

u saradnji sa domaćim i međunarodnim organizacijama (OSCE i CCI) organizovati seminare, radionice i edukacije za predstavnike mjesnih zajednica u cilju jačanja kapaciteta predstavnika MZ-a posebno u oblasti pisanja projektnih prijedloga i projekata po objavljenim javnim pozivima;

Nastaviti aktivnosti na opremanju kancelarija MZ sa kancelarijskom i računarskom opremom i u sklopu redovnih poslova rješavati eventualne probleme u funkcionisanju Savjeta MZ te iznalaziti najjednostavnija i najpraktičnija rješenja istih;

Pratiti obilježavanje značajnih datuma i događaja u mjesnim zajednicama i pomagati pri organizaciji istih. Prikupljati sve potrebne informacije o stanju u mjesnim zajednicama (školstvo, zdravstvo, socijalna zaštita i dr.) kao i podatke o stanju infrastrukture u mjesnim zajednicama;

kontinuirano pružati pomoć u pisanju projektnih prijedloga;

provesti aktivnosti na izboru organa MZ-Savjeta i predsjednika u MZ Vareš i Daštansko.

XI. OPĆINSKE SLUŽBE ZA UPRAVU

U toku 2014. godine Općinski načelnik će, putem općinskih službi za upravu, pratiti stanje po oblastima (privreda, poljoprivreda, obrazovanje, zdravstvena zaštita, socijalna zaštita, boračko-invalidska zaštita, djeca i mladi, mjesne zajednice, nevladin sektor, međunarodne organizacije, viši nivoi vlasti i dr.), blagovremeno informisati o stvarnom stanju i predlagati konkretne mjere. U slučaju potrebe, Općinski načelnik će pokretati i druge aktivnosti i Općinskom vijeću Vareš predlagati usvajanje odgovarajućih dokumenata.

Općinske službe za upravu će, svaka iz svoje nadležnosti, osim poslova predviđenih zakonom, Statutom Općine Vareš, Odlukom o organizovanju općinskih službi za upravu Općine Vareš i Stručne službe Općinskog vijeća i Općinskog načelnika, broj: 01-263/10 od 29.12. 2010. godine, te drugim propisima, vršiti izradu normativno-pravnih akata, informacija i izvještaja prema Programu rada Općinskog vijeća Vareš za 2015. godinu, broj: 01-299/14 od 29.12. 2014. godine, odnosno prema Kalendaru akata koji će se razmatrati na jednicama Općinskog vijeća Vareš u 2015. godini.

Pored planiranih poslova, tokom 2015. godine Općinski načelnik i nadležne općinske službe za upravu će svoje aktivnosti usmjeriti na ostala pitanja koja se nametnu kao posebno važna, za koje se ukaže potreba i po zahtjevu Općinskog vijeća i viših organa vlasti u Bosni i Hercegovini.

XII. STRATEGIJE

Općinski načelnik će pratiti i putem nadležnih službi za upravu vršiti analizu provođenja Strategija koje je usvojilo Općinsko vijeće i to:

1. Strategija razvoja općine Vareš;
2. Strategija partnerstva između Općine Vareš i građana;
3. Strategija razvoja lokalnih cesta i ulica u gradu i naseljima za period 2011 do 2021. godina;
4. Strategija prema mladima Općine Vareš za period juni 2013- juni 2016. godine;
5. Strategija razvoja poljoprivredne proizvodnje na području općine Vareš za period 2014-2018. godina;
6. Strategija razvoja i unapređenja socijalne zaštite Općine Vareš za period 2014-2017. godina;
7. Plan upravljanja otpadom Općina Vareš 2014-2019. godina.

DOSTAVLJENO:

1 x Općinsko vijeće,
1 x a/a.

OPĆINSKI NAČELNIK

Kovačević Avdija, dipl. pravnik